



Broj: **T01 0 KT 0039769 21**

Dana, 29.04.2022.godine

KANTONALNOM SUDU U BIHAĆU
Sudiji za prethodno saslušanje

Na osnovu odredbe iz člana 45. stav 2. tačka i) i člana 241. stav 1. Zakona o krivičnom postupku FBiH, **podizem:**

OPTUŽNICU

PROTIV:

MUJKIĆ MIRELE rođena 1997. godine, nastanjena.... JMB..... , pismena sa završenom osnovnom školom, bez zanimanja, neudana, bez djece, nezaposlena, lošeg imovnog stanja, po nacionalnosti Bošnjakinja, državljanica BiH, neosuđivana, ne vodi se postupak za drugo krivično djelo, po Rješenju Kantonalnog suda u Bihaću broj: 01 0 K 017464 21 Kpp 2 nalazila se u pritvoru u trajanju od mjesec dana počev od 15.12.2021.godine.

ŠTO JE

Dana 15.12.2021.godine, oko 14,30 sati, u naselju Kudići, u Velikoj Kladaši, u porodičnoj kući M.S., očevog polubrata, sa kojim je bila u vezi, nakon što ju je on prethodno verbalno i fizički napao jer je saznao da želi raskinuti vezu s njim, kada se udaljio iz prostorija dnevnog boravka, uzela njegov pištolj marke "M-57 TT", call 7,62 mm, serijskog broja....., za koji je znala da ga drži u kući, a zatim pričekala da se M.S. vrati u dnevni boravak, odakle je krenuo u pravcu kuhinje, nakon čega je Mujkić Mirela stala kod vrata dnevnog boravka i pištolj okrenula u njegovom pravcu rekavši mu "nemoj mi prilaziti pucaću", da bi joj on ipak prišao, pri čemu se ona sagnula, okrenuvši se leđima prema njemu i dalje držeći pištolj u svojim, ispruženim rukama, kako bi ga spriječila da joj isti uzme, zbog čega ju je M.S. obgrlio rukama pokušavajući uzeti pištolj iz njenih ruku, kada je ista, svjesna da ga pucanjem iz vatrenog oružja može usmrtiti na šta je i pristala, ispalila prvo jedan hitac u predjelu gornjeg dijela njegove lijeve noge, a potom drugi hitac u predjelu gornjeg dijela njegove desne noge, nanijevši mu strijelnu ranu i to u predjelu lijeve preponsko butne regije lijeve noge, koja povreda je laka tjelesna povreda te strijelnu ranu u predjelu preponsko butne regije desne noge, koja povreda je teška i po život opasna, od kojih povreda je M.S. ubrzo i preminuo, a usljed iskrvarenja iz desne bedrene arterije.

Dakle, drugog lišila života

Čime je učinila krivično djelo – Ubistvo iz člana 166. stav 1. Krivičnog zakona FBiH.

KANTONALNI TUŽILAC